

Rapport di impacto ambiental crio di 2.000 ton di pisca na Aruba ainda incompleto despues di suplemento

Mester di mas informacion tocante e impactonan ambiental di cria pisca cora den awanan di Aruba. E Comision pa e reportahe di impacto ambiental di Hulanda ta indica esaki. E rapport di impacto ambiental a wordo mehora di forma significante siguiendo e conseho anterior di e Comision, pero ainda e ta incompleto. Di e manera aki e impacto riba e ref di coral cu un produccion anual di 2.000 ton di pisca no ta completamente ilustra. Ademas, no ta evidente si lo tin suficiente capacidad riba e isla na tempo pa trata awa sushi di procesamiento di pisca y otro iniciativanan den futuro na Aruba.

E compania Petros Aquaculture Operations kier cultiva red snapper (pisca cora) na Aruba pa exportacion y consumo local. E proyecto ta inclui un criadero di pisca, planta di procesamiento y pier riba e isla y haulanan di pisca riba lama. Produccion ta cuminsa cu 500 ton pa aña y eventualmente ta yega 2.000 ton. E Ministerio di Finanzas, Asuntonan Economico y Sector Primario di Aruba a indica cu un o mas permit lo ta necesario na su debido tempo den e caso di un eventual ampliacion.

E rapport di impacto ambiental ta stipula e consecuencianan pa naturalesa y medio ambiente. Riba peticion di gobierno di Aruba e Comision a evalua e rapport aki contra e normanan internacional di mas halto. E no ta evalua si e proyecto ta deseabel, pero ta mira solamente e calidad di e informacion den e rapport, cu ta necesario pa e autoridad competente por tuma un decision bon funda.

Den un conseho anterior, e Comision a indica cu ainda falta informacion importante. Petros a sigui un gran parti di e consehonan aki corectamente, pero ainda no tur.

E impacto ambiental y tratamiento di awa sushi pa un produccion anual di 2.000 ton di pisca no ta evidente ainda. Un rapport di impacto ambiental ta net destina ilustra tur impacto ambiental di e proyecto riba termino cortico y largo, incluyendo expansion plania. Dor cu no ta evidente si na e isla tin suficiente capacidad di tratamiento di awa sushi pa un produccion di 2.000 ton di pisca, tin riesgo cu e awa aki eventualmente lo caba den lama. Esaki por tin consecuencia significativo pa salud di hende na Aruba, por ehempel.

Na mes momento, e consecuencianan pa e ref di coral tampoco no ta completamente ilustra ainda. E rapport no ta specifica e carga exacto riba e ecosistema marino y con esaki ta compara cu e carga existente di otro actividadnan na y rond di Aruba. Solamente a base di e informacion aki gobierno di Aruba por dicidi si e carga adicional di parti di Petros ta aceptabel.

E Comision independiente di reportahe di impacto ambiental ta duna conseho riba e contenido y calidat di rapportnan di impacto ambiental. Pa cada proyecto, e ta lanta un grupo di trabou di expertonan independiente. E Comision no ta skirbi rapportnan di impacto ambiental, e iniciado si. E autoridad competente – den e caso algún di minister di e pais Aruba – ta dicidi riba e proyecto. Mira tambe www.commissiemer.nl.

Nota pa redactornan

Riba e website bo ta haya e [consehonan completo](#) na Hulandes, Papiamentu y Ingles. Pa mas informacion por yama nos oficial di prensa: Daan de Wit, 00 31 6 15 28 37 74.